

ITEM EMI ENỌDE AKPARAWA OWO-EKỌŃ

Ńwed Timothy 3:14-17; 4:1-8; 1 Ńwed Timothy 6:11, 12.

ỌYỌHỌ UKPEP-ŃKỌ 416

Eke Mkparawa

IkỌ IBUOT: “Fara ke idem ke kpukpru Ńkpọ” (2 Timothy 4:5).

Nditi

Timothy ama enyene ifet ndidu ye Paul, emi ekedide ata eti owo-ekọŃ kros. Timothy ama ekpep ediwak ukpep-Ńkpọ eke Spirit oto Paul. Enye ama enyene udori oto ke mbufiok Paul. Paul ama ọnọ enye item ete eti mme Ńkpọ emi enye ekekpepde, onyũn aka iso anam mmọ. Paul ama ọnọ nditọ Hebrew ukem item oro ke ini enye ọkọdọhọde ete, “Mmọdo ikpotim ikpañ utọñ ikan inọ mme Ńkpọ emi ikokopde, mbak nnyin idifiọrọ ikpọñ mmọ” (Mme Hebrew 2:1). Edi Ńkpọ kiet owo ndifiok Ńwed Abasi, onyũn edi Ńkpọ efen ndinanam se Ikọ Abasi ekpepde. Ke James 1:22, nnyin ikot: “Yak mbufo edi mme anam-ikọ, ekudi mme andikokop ikpọñ-ikpọñ, ebiaña idem.”

Eti Erikpep

Paul ama eti Timothy abaña eti ukpep-Ńkpọ emi enye ọkọbọde. Toto ke uyen, ema ekpep Timothy Ikọ Abasi, emi ke ini oro ekedide Akani Ediom. Eka esie Eunice, ye eka-eka esie, Lois, mmọ mbiba ekedi nti iban emi ekenyenede mbuotidem (2 Ńwed Timothy 1:5). Timothy ama enyene ifet ndikọri ke idak iban emi mikekpepke enye ikọ Abasi ikpọñ-ikpọñ edi ekenọde enye eti uwut-Ńkpọ andinim ke akpanikọ.

Nditọwọñ isiwakke ndifiok ufọn emi mmọ enyenede ke ndidu ke idak nda-usuñ ufok emi efiokde Abasi. Mmọ eyebọhọ ekese mme mfina ye mme iduọ edieke mmọ ekopde item Ńwed Abasi. Solomon ama etiñ ete: “Eyen mi, kop item usọ, kunyũn ukpọñ mbet uka: koro mmọ eyedi anyanya ke ibuot fo” (Mme Ńke 1:8, 9).

Ndikpep ikọ Abasi ama anam Timothy “ọwọrọ ọniọñ ọbọ erinyaña.” Enye ama ekpep ufọn ye nta emi enade ebọ erinyaña. Enye ama ọfiok usuñ nte ebọde erinyaña. Mme Ńkpọ emi enye ekekpepde ama ańwam enye ndibọñ akam, ndien ema enyaña ukpọñ esie. Afo emekpep ke ukpep-Ńkpọ usen Ọbọñ abaña nte ebọde erinyaña. Nte emenyaña fi?

Owo Uńwam Paul

Ke akade iso, Timothy ama esitiene Paul aka mme isañ ukwọrọ-ikọ Abasi (Utom Mme Apostle 16:1-3). Enye ama ekpep Eti-mbuk oto ke ndikop se Paul ọkọkwọrọde. Enye ama okut uwut-Ńkpọ uwem anditiene-Christ nte enye okoduńde onyũn asańade ye Paul. Ini ama onyũn edi emi ekesiode Timothy edọñ ete ọkọkwọrọ Eti-mbuk. Paul ama etiñ abaña Timothy nte “nsańa-utom” (Ńwed Mbon Rome 16:21). Onyũn ọdọhọ ete, “nte eyen asańade ye ete” (Ńwed Mbon Philippi 2:22). Timothy ama ọnọ enye uńwam ke edikwọrọ ikọ Abasi. Timothy okonyũn edi andiwet Ńkpọ nọ Paul nte enye ekewetde mme Ńwed ọnọ mbon Corinth ye mme Hebrew. Ke ofuri ukpep-Ńkpọ ye ifet emi enye ekenyenede, Timothy okosuk oyoyom item onyũn okop item.

Ikọ Emi Otode Abasi

Ata akpan Ńkpọ kiet emi akanade nte Timothy ọfiok ekedi ke Ńwed Abasi edi Ikọ emi otode Abasi. Nnyin Ńko, ana nte ifiok oro. Okposuk edi edide mme owo ekewet Ikọ Abasi, edi Abasi eketiñ ọnọ mmọ se anade nte ewet. Ekese mmọ ikotimke ifiok ọyọhọ-ọyọhọ ibańa se mmọ ewetde edi Abasi akada mmọ usuñ. Ke 2 Peter 1:21 nnyin ikot: “Koro akanam baba ikọ prophet itoho ke uduak owo: edi mme owo etiñ ikọ eke otode Abasi, nte Edisana Spirit esinde mmọ etiñ.” Nnyin imọfiok ite ke Abasi ọkọnọ Moses Ibet, Ńko Enye ọkọnyũn etiñ oto ke mme anditiñ ntiñ-nnim ikọ. Ediwak owo enyime ete ke ndusuk ikọ ke Ńwed Abasi eto Abasi, edi “kpukpru Ńwed, eke edade odudu Spirit Abasi ewet”, oro ọwọrọ ofuri Ńwed Abasi, oto Abasi.

Obufa Edikabare

Nnyin iduń ke ini ndiok-eyo (2 Ńwed Timothy 3:1) emi mme owo ema ekedomo nditọñ nta Ńwed Ńwed Abasi man ekem ke mme usen eyo mfin. Ntusuk mme owo emi idighe mme andinim Abasi ke akpanikọ, ndien se mmọ ekabarede idighe se ikemde ye se Ńwed Abasi etińde. Mmọ

ekeme ndikere ete ke ikọ idem mmọ, ekabare Ikọ Abasi otim ọfọn, edi mmọ emi emade Ikọ Abasi ekot Nwede Abasi emi Edidem James ọkọnọde odudu ete ewet, emi ekemede ndibuọtidem nte ke edi Ikọ emi otode Abasi. Ufañ Nwede emi edi eti uwut-ńkpọ ete ke edikabare Nwede Abasi edi Ikọ emi otode Abasi: “Kpukpru ńwede eke edade odudu Spirit ewet” (2 Timothy 3:16). Edieke ewetde ke usuñ efen, ndien iyefiok ite ke utọ ńwede oro edi ikọ owo emi ewetde ke usem eyo mfin. Tim se iso Nwede Abasi fo nyuñ kut ete ke imọ ikpep inyuñ ikot Nwede Abasi emi Edidem James ọkọnọde odudu ete ewet.

Akpan Nkpọ

Nte owo akade iso ekpep Nwede Abasi, enye okut mme akpan ukpep-ńkpọ. Nwede Abasi ọkpuhọre ye ńwede efen. Ndusuk ńwede edi ńwede mbet; ndusuk edi ńwede uto: ndusuk edi ńwede mbuk, ndusuk edi ńwede ukpep-ńkpọ; edi Nwede Abasi ọdọnọ ofuri-ofuri mme ńkpọ oro, onyuñ ọdọnọ mme ńkpọ efen ńko.

“Enyuñ edi se ifọnde ndida ńkpọ owo ńkpọ.” Nnyin ikot ke Nwede Abasi ibańa mme ukpep-ńkpọ Jesus ye se Enye okonimde ke akpanikọ. Owo ana nte enyene ukpep-ńkpọ man enye ọfiok se enye onimde ke akpanikọ. Nwede Abasi ekpep owo mme nsio-nsio mbet Abasi. Owo ekeme didie ndidi eti anditiene Ọbọn edieke enye mifiokke mme ukpep-ńkpọ Nwede Abasi.

Edi se ifọnde ndida “nsua nnọ owo, nnyuñ nnam owo esańa nte enende.” Ke ndusuk ini, Abasi esin ubiom-ikpe ke esit owo nte enye osuk okotde Nwede Abasi. Enye okut idem esie nte ke inamke ndusuk item Abasi me ke ndusuk ńkpọ eke enye osuk anamde inenke. Ọfọn owo ndiyak enefere de enye, oro edińwam enye ọfiok nte edinam esie ọkọdiokde. Owo edikeme didie ndidu uwem eke ọfọnde edieke akananam owo isuaha inọ enye?

Owo ekeme ndineńere uwem esie nnim ke ini enye anamde se ekpepde ke Nwede Abasi. Nnyin imokot ite ke odu ńkọri emi adade itie ke uwem anditiene-Christ (Kot 2 Peter 1:5-9). Abasi esitunọ mmọ eke enye amade (Mme Hebrew 12:6) man mmọ eńwum mfri ewak ekan enọ Enye (John 15:2). Owo ekeme didie ndinam ọfọn nnyuñ ndian mme mfọn ye mfri nditiene-Christ nnọ idemesie edieke enye mifiokke ite imanana mmọ?

Enyuñ edi se ifọnde ndida “nteme owo edinen ido:” Mme ukpep-ńkpọ ke abańa edinen ido ye se edade enam mmọ ańwaańa, ufọn esie ye usuñ nte ekemede ndidu uwem, kpukpru edọnọ ke Nwede Abasi. Ke ini owo oyomde ndikpep obufa ńkpọ, enye enyene nditiene nda-usuñ. Ke ini eyen-ọwọń eren oyomde ndidiọń ekpri ubom-ofum ńkpọ mbre esie, enye okot mme ikọ nda-usuñ ye se etińde ebańa ubom-ofum oro. Ke ini enye ekpepde ndibre mbre enye enyene ndisańa ke mme item. Ke ini eyen-ọwọń ańwan ekpepde nditem udia, enye enyene ndikot item ke abańa editem udia, midighe nte enye ọbọ item oto owo. Ke ini enye ekpepde ndikim ọfọn, enye ese mme item emi enọde ke abańa usuñ nte ekimde ọfọn oro, ke ebede oro enye enyene nditiene item eka esie me andikpep enye. Didie ke owo ekeme ndidi anditiene-Christ edieke mikpepke enye mme usuñ edinen ido?

Paul eketiń ọnọ Timothy ete ke mme ńkpọ emi edu ke Nwede Abasi man ekpep owo ndidi se Abasi oyomde enye edi, man enye ekeme ndinam mme nti utom. Ke Ukwọrọ-ikọ ke enyọń Obot, Jesus ama ekpep ete: “Yak uńwana mbufo ayama ke iso owo, man mmọ ekut nti utom mbufo, enyuñ etoro Ete mbufo emi odude ke Heaven” (Matthew 5:16).

Utom

Paul ama ọnọ Timothy utom emi ọyọhọde ye uteńe ete ọkwọrọ Ikọ Abasi, oro ọkọwọrọ ete ke inaha nte enye ọkọkwọrọ ke inua ikpọń-ikpọń edi ke ido nte enye odude uwem ńko. Owo ekeme ndikwọrọ Eti-mbuk oto ke edu-uwem esie. Owo ekeme ndidu ke mbeńidem ndińwam mmọ efen ke ndisiak mme itie ke Nwede Abasi ye ndinyuñ ntiń ikọ-ntiense ke ini enọde enye ifet.

Mme Utọń Emi Edebede

Ini ke edi, edieke midighe idahemi, emi mme owo midikpańke utọń inọ mme ikọ Nwede Abasi. Ndusuk mme ọkwọrọ-ikọ esima ndikwọrọ ńkpọ efen akan ndikwọrọ se idude ke Nwede Abasi. Ediwak mmọ ema etiń ete ke mmimọ ikemeke nditim ńkwọrọ ikọ nsua nnọ mme owo, koro mme owo eyom ndikop inem-inem ńkpọ emi enemde mmọ ke utọń, edi mme ńkpọ oro ińwamke esit owo. Ekese owo ewọńọre ekpọń akpanikọ emi odude ke Nwede Abasi enyuñ ekpań utọń enọ mme mbuk

ye ekikere owo. Edi kpeme! “Fara ke idem ke kpukpru nkpo.” Paul ama qdoh Timothy ete “fehe kpon” mme nkpo oro emi mikemke ye uduak Abasi, edi yak enye “etiene” mme nti nkpo Abasi, emi edidade mbuwum Spirit edi (Nwed Mbon Galatia 5:22, 23).

Akani Owo-ekon

Ke ekpri ini emi ebede, nnyin ima ikpep nkpo ibana mbon-ekon Abasi. Paul ekedi kiet ke otu mmq emi ekefikde ete ke ekon edinen ido ye ukwan-ido edu ndiwana. Enye ama etin ete, “Nwana eti ewan mbuotidem.” Mme ikpo emi ema edemere Timothy nte emi edemerere nnyin mfin emi! Ekeme ndidi enye okpokodoh nko ete, nwana ke mbuotidem. Edi utibe-nkpo owo nditi ke utit uwem esie ete, “Mma mfehe mbuba mi mma”! Mma nkure isan emi Abasi ekemekde on mi! “Mma nsqon mmum mbuotidem nkama, mmekeme ndikot enye nte eti ewan”!

Utip

Oto ke ntak akpaniko emi Paul akanamde, enye ama odorenyin ndibo anyanya. Nnyin imokot ibana mme anyanya oro edinode ndito Abasi: “anyanya eti ido”, “anyanya uwem” (James 1:12), ye “anyanya ubon” (1 Peter 5:4); edi enyene ndiwana nnyun nkan. Idighe Paul ikpon edibo anyanya, edi anyanya odu on kpukpru mmq emi edude uwem mmq eno Jesus enyun “emade eriyarare Esie.” Ediwak owo enam utom man ebq utip mmq mi ke ererimbot edi utip eke Qbon edinode edifon adana didie, mme utip eke ebighide, idighe enye emi ebode eto ke edinon ubok-edem, midinyun ibiarake.

Mme ikpo Paul emi edemere owo, idighe man eme ime esim akpatre ikpon, edi ekpetin eno mmq efen man mmq ebehe idem ebana utibe usen oro emi Jesus edidide. Ke Eriyarare 3:11 nnyin ikot: “Mmon ndi iwiwa. Sqon mum se enyenede kama, mbak owo edibo anyanya fo.”

MME MBUME

- 1 Didie ke Timothy okokop Ikpo Abasi?
- 2 Anie ekekepep enye se akpanamde nte okworok-ikpo Abasi?
- 3 Nam ufan-nwed emi anwana: “Kpukpru nwed, eke edade odudu Spirit ewet.”
- 4 Ukpep-nkpo ke Nwed Abasi ofon adana didie?
- 5 Nso edi mbuwum Spirit? (Nwed Mbon Galatia 5:22, 23).
- 6 Ekeda Paul edomo didie ye owo-ekon?
- 7 Enye okodori enyin ndibo nso utq utip?
- 8 Mme anie efen edibo utip ito Qbon?